



萬首唐人絕句卷第十五

七言一百首

寄兩銀榼與裴侍郎兩絕

白居易五

貧無好物堪為信
雙榼雖輕意不輕
願奉謝公池上酌
丹心綠酒一時傾

慣和麴蘖堪盛否
重用鹽梅試洗看
小器不知容幾許
襄陽米賤酒升寬

平都散皇小橋柳

細水涓涓似淚流
日西惆悵小橋頭
衰楊葉盡空枝在
猶被霜風吹不休

哭微之二首

八月涼風吹白幕寢門廊下哭微之妻孥朋友來相
弔唯道皇天無所知

文章卓犖生無敵風骨英靈沒有神哭送咸陽北原
上可能隨例作灰塵

任老

不愁陌上春光盡亦任庭前日影斜面黑眼昏頭雪
白老應無可更增加

勸歡

火急歡娛切勿遲眼看老病悔難追樽前花下歌筵

裏會有求來不得時

晚歸府

晚從履道來歸府街路雖長尹不嫌馬上涼於床上
坐綠槐風透紫蕉衫

宿龍潭寺

夜上九潭誰是伴雲隨飛蓋月隨杯明年尚作三川
守此地兼將歌舞來

過溫尚書舊莊

白石清泉拋濟口碧幢紅旆照河陽村人都不知時
事猶自呼爲處士莊

贈神照上人

心如定水隨形應口似懸河逐病治曾向衆中先禮拜西方去日莫相遺

自遠禪師

自出家來長自在緣身一衲一繩床令人見即心無事每一相逢是道場

宗上人

榮華恩愛棄成唾戒定真如和作香今古雖殊同一法瞿曇拋却轉輪王

清閑上人

梓潼眷屬何年別長壽壇場近日開應是蜀人皆度了法輪移向洛中來

彈秋思

信意閑彈秋思時調清聲直韻踈遲近來漸喜無人聽琴格高低心自知

春風

春風先發苑中梅櫻杏桃李次第開薺花榆莢深村裏亦道春風爲我來

洛陽春

洛陽陌上春長在昔別今來二十年唯覓少年心不

得其餘萬事盡依然

早出晚歸

早起或因携酒出晚歸多是看花回若拋風景長閑
坐自問東京作底來

魏王堤

花寒懶發鳥慵啼信馬閑行到日西何處未春先有
思柳條無力魏王堤

勸行樂

少年信美何曾久春日雖遲不再中歡笑勝愁歌勝
哭請君莫道等頭空

老慵

豈是交親向我踈老慵自愛閉門居近來漸喜知聞
斷免惱嵇康索報書

夜調琴憶崔少卿

今夜調琴忽有情欲彈惆悵憶崔卿何人解愛中徽
上秋思頭邊八九聲

王子晉廟

子晉廟前山月明人聞徃徃夜吹笙鸞吟鳳唱聽無
拍多似霓裳散序聲

晚出尋人不遇

不唐詩卷五
四
籃輦不乘乘晚涼相尋不遇亦無妨輕衣穩馬槐陰
下自要閑行一兩坊

舟中夜坐

潭邊霽後多清景橋下涼來足好風秋鶴一雙船一
隻夜深相伴月明中

題西亭

多見朱門富貴人林園未畢即無身我今幸作西亭
主已見池塘五度春

觀游魚

遶池閑步看魚游正值兒童弄釣舟一種愛魚心各

異我來施食爾垂鈎

看採蓮

小桃閑上小蓮船半採紅蓮半白蓮不似江南惡風
浪芙蓉池在卧床前

看採菱

菱池如鏡淨無波白點花稀青角多時唱一聲新水
調謾人道是採菱歌

天老

早世身如風裏燭暮年髮似鏡中絲誰人斷得人間
事少天堪傷老又悲

秋池

洗浪清風透水霜水邊閑坐一繩床
眼塵心垢見皆盡不是秋池是道場

新雪二首

不思北省烟霄地不憶南宮風月天
唯憶靜恭楊閣老小園新雪煖爐前

不思朱雀街東鼓不憶青龍寺後鍾
唯憶夜深新雪後新昌臺上七株松

和微之在校書郎日過三鄉

三鄉過日君年幾今日君年五十餘
不獨年催身亦

變校書郎變作尚書

和微之十七與君別及朧月花枝之詠

別時十七今頭白惱亂君心三十年
垂老休吟花月句恐君更結後身緣

疑夢二首

莫驚寵辱虛憂喜莫計恩讎浪苦辛
黃帝孔丘無處問安知不是夢中身
鹿疑鄭相終難辨蝶化莊生詎可知
假使如今不是夢能長於夢幾多時

除夜

病眼少眠非守歲老心多感又臨春
火銷燈盡天明後便是平頭六十八

府西池

柳無氣力枝先動池有波文冰盡開
今日不知誰計會春風春水一時來

府酒五絕

變法

自慚到府來周歲惠愛威稜一事無
唯是改張官酒法漸從濁水作醍醐

招客

日午微風且暮寒春風冷峭雪乾殘
碧氈帳下紅爐畔試爲來嘗一盞看

辨味

甘露大甜非正味醴泉雖潔不芳馨
杯中此物何人別柔旨之中有典刑

自勸

憶昔羈貧應舉年脫衣典酒出江邊
十千一斗猶賒飲何況官供不着錢

諭妓

燭淚夜粘桃葉袖酒痕香汚石榴裙
莫辭辛苦供歡

唐詩卷十五
廿八
宴老後思量悔煞君

履道居三首

莫嫌地窄林亭小莫厭貧家活計微大有高門鎖寬
宅主人到老不曾歸

東里素帷猶未徹南隣丹旆又新懸衡門蝸舍自慚
愧收得身來已五年

世事平分衆所知何嘗苦樂不相隨唯餘耽酒狂歌
客只有樂時無苦時

戲招諸客

黃醅綠醕迎冬熟絳帳紅爐逐夜開誰道洛中多逸

客不將書喚不曾來

將歸

欲去公門返野扉預思泉竹已依依更憐家醞迎春
熟一瓮醞醕待我歸

睡覺

官初罷後歸來夜天欲明前睡覺時起坐思量更無
事身心安樂復誰知

感舊詩卷

夜深吟罷一長吁老淚燈前濕白鬚二十年前舊詩
卷十人酬和九人無

涼風歎

昨夜涼風又颭然
螢飄葉墜卧床前
逢秋莫歎須知
分已過潘安三十年

送考功崔郎中赴闕

稱意新官又少年
秋涼身健好朝天
青雲上了無多
路却要徐驅穩着鞭

聞歌者唱微之詩

新詩絕筆聲名歇
舊卷生塵篋
筍深時向歌中聞
一句未容傾耳已傷心

衰荷

白露凋花花不殘
涼風吹葉葉初乾
無人解愛蕭條
境更遶衰藜一匝看

池上送考功崔郎中兼別房賓二妓

文昌列宿徵還日
洛浦行雲放散時
鸕鷀上天花逐
水無由再會白家池

自問

依仁臺廢悲風晚
履信池荒宿草春
自問老身騎馬
出洛陽城裏竟何人

秋夜聽高調涼州

樓上金風聲漸緊
月中銀字韻初調
促張絃柱吹高

管一曲京州入次寥

香山寺二絕

空門寂靜老夫閑
伴鳥隨雲往復還
家醞滿瓶書滿架
半移生計入香山

愛風巖上攀松蓋
戀月潭邊住日稜
且共雲泉結緣境
他生當作此山僧

負春

病來道士教調氣
老去山僧勸坐禪
辜負春風楊柳曲
去年斷酒到今年

春池上戲贈李郎中

滿池春水何人愛
唯我回看指似君
直似按藍新汁色
與君南宅染羅裙

木蘭花

膩如玉指塗朱粉
光似金刀剪紫霞
從此時時春夢裏
應添一樹女郎花

楊柳枝詞八首

六么水調家家唱
白雪梅花處處吹
古歌舊曲君休聽
聽取新翻楊柳枝

陶令門前四五樹
亞夫營裏百千條
何似東都正二月
黃金枝映洛陽橋

唐詩卷之五
依依嫋嫋復青青勾引清風無限情
白雪花繁空撲地綠絲條弱不勝鶯

紅板江橋青酒旗館娃宮暖日斜時
可憐雨歇東風定萬樹千條各自垂

蘇州楊柳任君誇更有錢塘勝館娃
若解多情尋小綠楊深處是蘇家

蘇家小女舊知名楊柳風前別有情
剝條盤作銀環樣卷葉吹爲玉笛聲

葉含濃露如啼眼枝嫋輕風似舞腰
小樹不禁攀折苦乞君留取兩參條

人言柳葉似愁眉更有愁腸似柳絲
柳絲挽斷腸牽斷彼此應無續得期

浪淘沙詞六首

一泊沙來一泊去一重沙滅一重生
相攬相淘無歇日會教山海一時平

白浪茫茫與海連平沙浩浩四無邊
暮去朝來淘不住遂令東海變桑田

青草湖中萬里程黃梅雨裏一人行
愁見灘頭夜泊處風翻暗浪打船聲

借問江潮與海水何似君情與妾心
相恨不如潮有

信相思始覺海非深
海底飛塵終有日山頭化石豈無時誰道小郎拋小
婦船頭一去沒回期
隨波逐浪到天涯遷客生還有幾家却到帝鄉重富
貴請君莫忘浪淘沙

問鶴

烏鳶爭食雀爭窠獨立池邊風雪多盡日踏冰翹一
足不鳴不動意如何

代鶴答

鷹爪攫雞雞肋折鶻拳楚鴈鴈頭垂何如斂翅水邊

立飛上雲松棲穩枝

少年問

少年怪我問如何何事朝朝醉復歌號作樂天應不
錯憂愁時少樂時多

問少年

千首詩堆青玉案十分酒瀉白金盃回頭却問諸年
少作箇狂夫得了無

代林園戲贈

裴侍中新修集賢宅成池館甚盛數往存宴醉歸自戲耳

豈獨西坊來往頻偷閑處處作遊人衡門雖是棲遲
地不可終朝鎖老身

重戲荅

小水低亭自可親
大池高館不關身
林園莫妬裴家好
憎故憐新豈是人

早秋登天宮寺閣贈諸客

天宮閣上醉蕭辰
絲管閒聽酒慢巡
爲向涼風清景道
今朝屬我兩三人

醉遊平泉

狂歌箕踞酒樽前
眼不看人面
向天洛客最閑
唯有我一年四度到平泉

集賢池荅侍中問

主人晚入皇城宿
問客徘徊何所湏
池月幸閑無用處
今宵能借客遊無

和同州楊侍郎誇柘枝見寄

細吟馮翊使君詩
憶作餘杭太守時
君有一般輸我事
柘枝堪校十年遲

冬日平泉路晚歸

山路難行日易斜
烟村霜樹欲棲鴉
夜歸不到應閑事
熱飲三杯即是家

利仁北街作

草色班班春雨晴
利仁坊北面西行
踟躕立馬緣何

事認得張家歌吹聲

洛陽堰閑行

洛陽堰上新晴日長夏門前欲暮春遇酒即沽逢樹歇七年北地作閑人

過永寧

村杏野桃繁似雪行人不醉爲誰開
賴逢山縣盧明府引我花前勸一杯

羅敷水

野店東頭花落處一條流水號羅敷
芳蕙艷骨知何在春草茫茫墓亦無

龍門送別皇甫澤州赴任韋山人南遊

隼旟歸洛知何日鶴駕還嵩莫過春
惆悵香山雲水冷明朝便是獨遊人

寄楊六侍郎

西戶最榮君好去左馮雖穩我慵來
秋風一筋鱸魚膾張翰搖頭喚不回

即事

重裘煖帽寬氈履小閣低窓深地爐
身穩心安眠未起西京朝士得知無

家園三絕

滄浪峽水子陵灘路遠江深欲去難何似家池通小院
院卧房階下插魚竿
籬下先生時得醉甕間吏部暫偷眠何如家醞雙魚
榼雪夜花時長在前
鴛鴦怕捉竟難親鸚鵡雖籠不着人何似家禽雙白
鶴閑行一步亦隨身

萬首唐人絕句卷第十五

萬首唐人絕句卷第十六

七言一百首

裴令公席上贈別夢得

白居易六

年老官高多別離轉難相見轉難思雪銷酒盡梁王
起便是鄒枚分散時

尋春題諸家園林

兒隨年老欲何如與遇春牽尚有餘遙見人家花便
入不論貴賤與親疎

咲春風兼贈李二十侍郎二絕

樹根雪盡催花發池岸冰銷放草生唯有鬢霜依舊

白春風於我獨無情

道場齋戒今初畢酒伴歡娛久不同不把一盃來勸我無情亦得似春風

奉和令公綠野堂種花

綠野堂開占物華○路人指道令公家○令公桃李滿天下○何用堂前更種花○

寄明州于駙馬使君三絕句

有花有酒有笙歌其奈難逢親故何近海饒風春足雨白鬚太守悶時多

平陽音樂隨都尉留滯三年在浙東吳越聲邪無法

用莫教偷入管絃中

何郎小女歌喉好嚴老呼爲一串珠海味腥鹹損聲氣聽看猶得斷腸無

雨中聽琴者彈別鶴操

雙鶴分離一何苦連陰雨夜不堪聞莫教遷客孀妻聽嗟歎悲啼泥殺君

香山避暑二絕

六月灘聲如猛雨香山樓北暢師房夜深起凭欄干立滿耳潺湲滿面涼

紗巾草履竹踈衣晚下香山蹋翠薇一路涼風十八

唐詩卷十六
里臥乘籃輦睡中歸

贈談客

上客清談何亶亶幽人閑思自寥寥請君休說長安
事膝上風清琴正調

初入香山院對月

老住香山初到夜秋逢白月正圓時從今便是家山
月試問清光知不知

病中贈南隣覓酒

頭痛牙疼三日卧妻看煎藥婢來扶今朝似校擡頭
語先問南隣有酒無

曉眠後寄楊戶部

軟綾罽褥薄綿被凉冷秋天穩暖身一覺曉眠殊有
味無因寄與早朝人

酬令公雪中見贈訝不與夢得同相訪

雪似鵝毛飛散亂人披鶴氅立徘徊鄒生枚叟非無
興唯待梁王召即來

楊六尚書新授東川節度代妻戲賀兄嫂

二絕

劉綱與婦共升仙弄玉隨夫亦上天何似沙哥領桂
嫂碧油幢引向東川

金花銀枕饒君用，罨畫羅衣盡婢裁。
覓得黔婁爲妹壻，可能空寄蜀茶來。

因夢得題公垂所寄蠟燭因寄公垂

照梁初日光相似，出水新蓮艷不如。
却寄兩條君領取，明年雙引入中書。

令公南莊花柳正盛欲偷一賞先寄二篇

最憶樓花千萬朵，偏憐堤柳兩三株。
擬提社酒携村妓，擅入朱門莫怪無。

可惜亭臺閑度日，欲偷風景暫遊春。
只愁花裏鶯鶯饒舌飛，入宮城報主人。

和裴令公南莊

陶廬僻陋那堪比，謝墅幽閑不足攀。
何似嵩峯三十六，長隨申甫作家山。

宅西流水墻下小樓五絕

伊水分來不自由，無人解愛爲誰流。
家家拋向墻根底，唯我栽蓮起小樓。

水色波文何所似，麴塵羅帶一條斜。
莫言羅帶春無主，自置樓來屬白家。

日灩水光搖素壁，風飄樹影拂朱欄。
皆言此處宜絃管，試奏霓裳一曲看。

霓裳奏罷唱梁州紅袖斜翻翠黛愁應是遙聞勝近
聽行人欲過盡回頭

獨醉還須得歌舞自娛何必要親賓當時一部清商
樂亦不長將樂外人

送盧郎中赴河東裴令公墓

別時暮雨洛橋岸到日涼風汾水波荀令見君應問
我爲言秋草閉門多

戲和夢得荅李侍郎詩有文星之句白居易

看題錦繡報瓊瓊俱是人天第一才好遣文星守躔
次亦須防有客星來

戲荅思黯

何時得見十三絃待取無雲有月天願得金波明似
鏡鏡中照出月中仙

訓裴令公贈馬相戲

安石風流無奈何欲將赤驥換青娥不辭便送東山
去臨老何人與唱歌

早春持齋

正月晴和風景新紛紛已有醉遊人帝城花笑長齋
客二十年來負早春

謝楊東川寄衣服

年年衰老交遊少處處蕭條書信稀
唯有巢兄不相忘春茶未斷寄秋衣

東城晚歸

一條筇杖懸龜榼雙角吳童控馬銜
晚入東城誰識我短靴低帽白蕉衫

蘇州故吏

江南故吏別多久今日池邊識我無
不獨使君頭似雪華亭鶴死白蓮枯

得楊湖州書

豈獨愛民兼愛客不唯能飲又能文
白蘋洲上春傳語柳使君輸楊使君

語柳使君輸楊使君

聽歌

管妙絃清歌入雲老人合眼醉醺醺
誠知不及當年聽猶覺聞時勝不聞

西樓獨立

身著白衣頭似雪時時醉立小樓中
路人回顧應相怪十一年來見此翁

早春獨登天宮闕

天宮日暖閣門開獨上迎春飲一盃
無限遊人遙怪我緣何最老最先來

送蘇州李使君二絕

憶拋印綬辭吳郡衰病當時已有餘今日賀君兼自
喜八回看換舊銅魚

館娃宮深春日長烏鵲橋高秋夜涼風月不知人世
變奉君直似奉吳王

長洲曲新詞

茂苑綺羅佳麗地女湖桃李艷陽時心奴已死胡容
老後輩風流是阿誰

春眠

枕低被暖身安穩日照房中帳未開還有少年春氣

味時時蹇到睡中來

病中五絕

世間生老病相隨此事心中久自知今日行年將七
十猶須慙愧病來遲

方寸成灰鬢作絲假如強健亦何爲家無憂累身無
事正是安閑好病時

李君墓上松應拱元相池頭竹盡枯多幸樂天今始
病不知合要苦治無

目昏畏寢即安眠足軟方行便坐禪身作醫王心是
藥不勞和扁到門前

交親不要苦相憂亦擬時時強出遊
但有心情何用脚陸乘肩輿水乘舟

送嵩客

登天臨水分無期泉石烟霞今屬誰
君到嵩陽吟此句與教三十六峯知

賣駱馬

五年花下醉騎行臨賣回頭嘶一聲
項籍顧騅猶解歎樂天別駱豈無情

別柳枝

兩枝楊柳小樓中媚娜多年伴醉翁
明白放歸歸去

後世間應不要春風

歲暮呈思黯

歲暮皤然一老夫十分流輩九分無
莫嫌身病人扶侍猶勝無身可遣扶

感蘇州舊舫

畫梁朽折紅窻破獨立池邊盡日看
守得蘇州船舫爛此身爭合不衰殘

戲禮經老僧

香火一爐燈一盞白頭夜禮佛名經
何年飲著聲聞酒直到如今醉未醒

前日別柳枝絕句夢得繼和云春盡絮飛
留不得隨風好去落誰家又復戲荅

柳老春深日又斜任他吹向別人家誰能更學孩童
戲尋逐春風捉柳花

五年秋病後獨宿香山寺三絕句

經年不到龍門寺今夜何人知我情還向暢師房裏
宿新秋月色舊灘聲

飲徒歌伴今何在雨散雲飛盡不回從此香山風月
夜祇應長是一身來

石盆泉畔石樓頭十二年來盡夜遊更過今年年七

十假如無病亦宜休

題香山新經堂招僧

烟滿秋堂月滿庭香花漠漠磬泠泠誰能來此尋真
諦白老新開一藏經

早入皇城贈王留守僕射

津橋殘月曉沉沉風露淒清禁署深城柳宮槐漫搖
落悲愁不到貴人心

山下留別佛光和尚

勞師送我下山行此別何人識此情我已七旬師九
十當知後會在他生

山中五絕句 嶺上雲

嶺上白雲朝未散。田中青麥早將枯。自生自滅成何事。能逐東風作雨無。

石上苔

漠漠班班石上苔。幽芳靜綠絕纖埃。路傍凡草榮遭遇。曾得七香車輦來。

林下樗

香檀文桂苦雕鑄。生理何曾得自全。知有無材老樗否。一枝不損盡天年。

澗中魚

海水桑田欲變時。風濤翻覆沸天池。鯨吞蛟鬪波成血。深澗游魚樂不知。

洞中蝙蝠

千年鼠化白蝙蝠。黑洞深藏避網羅。遠害全身誠得計。一生幽暗又如何。

自戲三絕句 心問身

心問身云何泰然。嚴冬煖被日高眠。放君快活知恩否。不早朝來十一年。

身報心

心是身王身是宮。君今居在我宮中。是君家舍君須

愛何事論恩自說功

心重谷身

因我踈慵休罷早遺君安樂歲時多世間老苦人何
限不放君閑奈我何

病後喜過劉家

忽憶前年初病後此生甘分不銜盃誰能料得今春
事又向劉家飲酒來

贈舉之撲射

雞毬錫粥屢開筵談笑謳吟間管絃一月三回寒食
會春光應不負今年

盧尹賀夢得會中作

病聞川守賀筵開起伴尚書飲一杯任意少年長笑
我老人自覓老人來

題朗之槐亭

春風可惜無多日家醞唯殘軟半瓶猶望君歸同一
醉籃舁早晚入槐亭

勸夢得酒

誰人功畫麒麟閣何客新投魑魅鄉兩處榮枯君莫
問殘春更醉兩三場

過裴令公宅二絕句

風吹楊柳出牆枝憶得同歡共醉時每到集賢坊北
過不曾一度不低肩

梁王舊館雪濛濛愁殺鄒枚二老翁假使明朝深一
尺亦無人到兔園中

新澗亭

煙蘿初合澗新開閑上新亭日幾回老病歸山應未
得且移泉石就身來

寄黔州馬常侍

閑看雙節信爲貴樂飲一杯誰與同可惜風情與心
力五年拋擲在黔中

雪暮偶與夢得同致仕裴賓客王尚書飲
黃昏慘慘雪霏霏白首相歡醉不歸四箇老人三百
歲人間此會亦應稀

聽歌六絕句 都子歌

都子新歌有性靈一聲格轉已堪聽更聽唱到常蛾
字猶有樊家舊典刑

樂世

管急絃聲拍漸稠綠腰宛轉曲終頭誠知樂世聲聲
樂老病人聽未免愁

水調

五言一遍最殷勤調少情多似有因不會當時翻曲
意此聲腸斷為何人

想夫憐

玉管朱絃莫急催容聽歌送十分杯長愛夫憐第二
句請君重唱夕陽開

王右丞詞云秦川一半夕陽開

何滿子

世傳滿子是人名臨就刑時曲始成一曲四詞歌八
疊從頭便是斷腸聲

閑眠

暖床斜卧日曛暝一覺閑眠百病銷盡日一殮茶兩

椀更無所要到明朝

南侍御以石相贈助成水聲因以絕句

謝之

泉石磷磷聲似琴閑眠靜聽洗塵心莫輕兩片青苔
石一夜潺湲直萬金

寒亭留客

今朝閑坐石亭中爐火銷殘樽又空冷落若為留客
住冰池霜竹雪髯翁

新小灘

石淺沙平流水寒水邊斜插一漁竿江南客見生鄉
思道似嚴陵七里灘

卯飲

短屏風掩臥床頭烏帽青氊白氎裘卯飲一盃眠一
覺世間何事不悠悠

借楊六尚書太湖石

借君片石意何如置向庭中慰索居每就玉山傾一
酌興來如對醉尚書

永豐坊園中垂柳

一樹春風千萬枝嫩如金色軟於絲永豐西角荒園
裏盡日無人屬阿誰

知盧尹

一樹衰殘委泥土雙枝榮耀植天庭定知玄象今春
後柳宿光中添兩星

出齋日喜皇甫十早訪

三旬齋滿欲銜盃平日敲門門未開除却朗之携一
榼的應不是別人來

携酒往朗之莊居同飲

慵中又少經過處別後都無勸酒人不挈一壺相就
醉若爲將老度殘春

客有說

近有人從海上回海山深處見樓臺中有仙龕虛一

室多傳此待樂天來

荅客說

吾學空門非學仙恐君此說是虛傳海山不是吾歸處歸即應歸兜率天

遊趙村杏花

趙村紅杏每年開十五年來看幾回七十三人難再到今春來是別花來

戲問牛司徒

抖擻塵纓捋白鬚半酣扶起問司徒不知詔下懸車後醉舞狂歌有例無

喜裴濤尚書携詩見訪

忽聞扣戶醉吟聲不覺停杯倒屣迎共放詩狂同酒癖與君別是一親情

宿府西亭

池上平橋橋下亭夜深睡覺上橋行白頭老尹重來宿十五年前舊月明

萬首唐人絕句卷第十六

萬首唐人絕句卷第十六

五言古詩

五言古詩

五言古詩

五言古詩

五言古詩

五言古詩

萬首唐人絕句卷第十七

七言一百首

怨詩

張法一首

去年離別鴈初歸
今歲裁縫螢已飛
狂客未來音信斷
不知何處寄寒衣

李倉曹宅夜飲

王昌齡五十五首

霜天留飲故情歡
銀燭金爐夜不寒
欲問吳江別來意
青山明月夢中看

閨怨

閨中少婦不曾愁
春日凝粧上翠樓
忽見陌頭楊柳

色悔教夫壻覓封侯

浣紗女

錢塘江畔是誰家江上女兒金勝花吳王在時不得出今日公然來浣紗

題朱鍊師山房

叩齒焚香出世塵齋壇鳴磬步虛人百花仙醞能留客一飯胡麻度幾春

聽流人水調子

孤舟微月對風林分付鳴箏與客心嶺色千重萬重雨斷絃收與淚痕深

宴春源

源向春城花幾重江明深翠引諸峯與君醉失松溪路山館寥寥傳暝鍾

龍標野宴

沅溪夏晚足涼風春酒相携就竹叢莫道絃歌愁遠謫青山明月不曾空

觀獵

角鷹初下秋草稀鐵騶拋鞚去如飛少年獵得平原兔馬後橫梢意氣歸

梁苑

梁園秋竹古時煙城外風悲欲暮天萬乘旌旗何處
在平臺賓客有誰憐

送薛大赴安陸

津頭雲雨暗湘山遷客離愁楚地顏遙送扁舟安陸
郡天邊何處穆陵關

別李浦之京

故園今在霸陵西江畔逢君醉不迷小弟鄰莊尚漁
獵一封書寄數行啼

蕭駙馬花燭

青鸞飛入合歡宮紫鳳銜花出禁中可憐今夜千門

裏銀漢星回一道通

甘泉歌

乘輿執玉已登壇細草霑衣春殿寒昨夜雲生拜初
月萬年甘露水晶盤

旅望

白花原頭望京師黃河水流無已時秋天曠野行久
絕馬首東來知是誰

芙蓉樓送辛漸二首

寒雨連江夜入吳平明送客楚山孤洛陽親友如相
問一片冰心在玉壺

丹陽城南秋海陰丹陽城北楚雲深
高樓送客不能醉寂寂寒江明月心

重別李評事

莫道秋江離別難
舟船明日是長安
吳姬緩舞留君醉
隨意青楓白露寒

別陶副使歸南海

南越歸人夢海樓
廣陵新月海亭秋
寶刀留贈長相憶
當取戈船萬戶侯

送狄宗亨

秋在水清山暮蟬
洛陽樹色明
臯烟送君歸
去愁不

盡又惜空度涼風天

送人歸江夏

寒天綠水楚雲深
莫道離憂遷遠心
曉夕雙帆歸鄂渚
愁將孤月夢中尋

送李五

玉盃金壘傾送君
江西日入起黃雲
扁舟乘月暫來去
誰道滄浪吳楚分

送十五舅

深林秋水近日空
歸棹演漾清陰中
夕浦離觴意何已
草根寒露悲鳴蟲

留別郭八

長亭竚馬未能前，井邑蒼茫含暮烟。
醉別何須更惆悵，回頭不語但垂鞭。

送寶七

秋江月色傍林秋，波上熒熒望一舟。
鄂渚輕帆須早發，江邊明月爲君留。

巴陵送李十二

搖拽巴陵洲渚分，清江傳語便風聞。
山長不見秋城色，日暮蒹葭空水雲。

送別魏二

醉別江樓橘柚香，江風引雨入船涼。
憶君遙在湘山月，愁聽清猿夢裏長。

送裴圖南

黃河渡頭歸問津，離家幾日茱萸新。
漫道閨中飛破鏡，猶看陌上別行人。

留別司馬太守

辰陽太守念王孫，遠謫沅溪何可論。
黃鶴青雲當一舉，明珠吐著報君恩。

盧溪別人

武陵溪口駐扁舟，溪水隨君向北流。
行到荆門上三

峽莫將孤月對猿愁

送程六

冬夜觴離在五溪青雲雪落鱸橙糞武岡前路看斜
月片片舟中雲向西

送朱越

遠別舟中蔣山暮君行舉首燕城路薊門秋月隱黃
雲期向金陵醉江樹

別辛漸

別館蕭條風雨寒扁舟月色渡江看酒酣不識關西
道却望春江雲尚殘

采蓮曲二首

荷葉羅裙一色裁芙蓉向臉兩邊開亂入池中看不
見聞歌始覺有人來

吳姬越艷楚王妃爭弄蓮花水濕衣來時浦口花迎
入采罷江頭月送歸

送柴侍御

沅水通流接武岡送君不覺有離傷青山一道同雲
雨明月何曾是兩鄉

寄穆侍御出幽州

一從恩譴度瀟湘塞北江南萬里長莫道薊門書信

少鴈飛猶得到衡陽

西江寄越弟

南浦逢君嶺外還
沅溪更遠洞庭山
堯時恩澤如春雨
夢裏相逢共入關

長信秋詞五首

金井梧桐秋葉黃
珠簾不卷夜來霜
熏籠玉枕無顏色
卧聽南宮清漏長

高殿秋砧響夜闌
霜深猶憶御衣寒
銀燈青瑣裁縫歇
還向金城明主看

奉帚平明秋殿開
且將團扇共徘徊
玉顏不及寒鴉色
大漢風塵日色昏
紅旗半卷出轅門
前軍夜戰洮河北
已報生禽吐谷渾

殿前曲三首

昨夜風開露井桃
未央前殿月輪高
平陽歌舞新承寵
簾外春寒賜錦袍

貴人粧梳殿前催
香風吹入殿後來
仗引笙歌大宛馬
白蓮花發照池臺

胡殿笙歌西殿頭
梨園弟子和涼州
新聲一段高樓月
聖主千秋樂未休

青樓怨

香幃風動花入樓高調鳴箏緩衣愁腸斷關山不解
說依依殘月下簾鉤

青樓曲二首

白馬金鞍從武皇旌旗十萬宿長楊樓頭小婦鳴箏
坐遙見飛塵入建章

馳道楊花滿御溝紅粧謾綰上青樓金章紫綬千餘
騎夫壻朝回初拜侯

山中

盧綸二十一首

饑拾松花渴飲泉偶從山後到山前陽陂軟草厚如
織因與鹿麕相伴眠

色猶帶昭陽日影來

眞成薄命久尋思夢見君王覺後疑火照西宮知夜
飲分明復道奉恩時

長信宮中秋月明昭陽殿下擣衣聲白露堂中細草
迹紅羅帳裏不勝情

西宮春怨

西宮夜靜百花香欲卷珠簾春恨長斜抱雲和深見
月朦朧樹色隱昭陽

西宮秋怨

芙蓉不及美人粧水殿風來珠翠香却恨含情掩秋

扇空懸明月待君王

從軍行五首

烽火城西百尺樓黃昏獨坐海風秋更吹羌笛關山
月無那金閨萬里愁

琵琶起舞換新聲揔是關山離別情撩亂邊愁聽不
盡高高秋月照長城

青海長雲暗雪山孤城遙望玉門關黃沙百戰穿金
甲不破樓蘭終不還

秦時明月漢時關萬里長征人未還但使龍城飛將
在不教胡馬度陰山

與從弟同下第出關言別三首

同作金門獻賦人二年悲見故園春到闕不沾新雨
露還家空帶舊風塵

雜花飛盡柳陰陰官路逶迤綠草深對酒已成千里
客望山空寄兩鄉心

出關愁暮一沾裳滿野蓬生古戰場孤村樹色昏殘
雨遠寺鍾聲帶夕陽

逢病軍人

行多有病住無糧萬里還鄉未到鄉蓬鬢衰吟古城
下不堪秋氣入金瘡

村雨逢病叟

雙膝過頤項在肩
四鄰知姓不知年
卧驅烏雀惜禾黍
猶恐諸孫無社錢

崇福看花

聞道山花如火紅
平生登寺已經風
老僧無見亦無說
應與看人心不同

渾贊善東齋戲贈陳歸

長裾珠履颯輕塵
間以琴書列上賓
公子無讎可邀請
侯嬴此坐是何人

春日登樓有懷

花正濃時人正愁
逢花却欲替花羞
年來笑伴皆歸去
今日晴明獨上樓

題玉真公主影堂

夕照閑窓起暗塵
青松鎖殿不知春
君看白髮誦經者
盡是宮中歌舞人

西江看花

紅枝欲折紫枝殷
隔水連宮不用攀
曾待長風吹落盡
始能開眼向青山

贈別李紛

頭白乘驢縣市囊
一回言別淚千行
兒孫滿眼無歸

處唯到尊前是故鄉

古絕詞二首

殘粧色淺髻鬟開
笑映珠簾覩客來
推醉唯知弄花
鈿潘郎不敢使人催

自拈裙帶結同心
暖處偏知香氣深
愛捉狂夫問閑
事不知歌舞用黃金

宮中樂二首

臺殿雲涼秋色微
君王初賜六宮衣
樓船泛罷歸猶
早行遣才人鬪射飛

雲日呈祥禮物殊
彤庭生獻五單于
塞垣萬里無飛
鳥可在邊城用郅都

春日有懷

桃李風多日欲陰
伯勞飛處落花深
貧居靜久難逢
信知隔春山不可尋

駙馬花燭

萬條銀燭引天人
十月長安半夜春
步障三千無間
斷幾多珠翠落香塵

曲江春望三首

昌蒲翻葉柳交枝
暗上蓮舟鳥不知
更到無花最深
處玉樓金殿影參差

翠黛紅粧盡鷓中共驚雲色帶微風簫管曲長吹未
盡花南水北雨濛濛
泉聲遍野入芳洲擁沫吹花上碧流二月行人漸無
路巢蜂乳燕滿高樓

早梅

一樹寒梅白玉條迥臨村路傍溪橋應緣近水花先
發疑是經春雪未消

采蓮曲

涔陽女兒花滿頭氍毹同泛木蘭舟秋風日暮南湖
裏爭唱菱歌不肯休

塞上曲

胡風略地燒連山碎葉孤城未下關山頭烽子聲聲
叫知是將軍夜獵還

征人歸鄉

三月江城柳絮飛五年遊客送人歸故將別淚和鄉
淚今日闌干濕汝衣

宿湘江

九月湘江水漫流沙邊惟覽月華秋金風浦上吹黃
葉一夜紛紛滿客舟

戲贈張使君

數載蹉跎罷縉紳五湖乘興轉迷津如今野客無家
第醉處尋常是主人

題宋玉亭

宋玉亭前悲暮秋陽臺路上雨痕收應緣此處人多
別松竹蕭蕭也帶愁

公安賈明府

葉縣門前江水深淺於羈客報恩心把君詩卷西歸
去一度相思一度吟

過商山

雨暗商山過客稀路傍孤店閉柴扉卸鞍良久茹簷

下待得巴人樵采歸

早春雪中

陰雲萬里晝漫漫愁坐關心事幾般爲報春風休下
雪柳條初放不禁寒

秋月二首

江干入夜杵聲秋百尺踈桐挂斗牛思苦自緣明月
苦人愁不似月華愁

秋宵月色勝春宵萬里天涯靜寂寥近來數夜飛霜
重只畏婆娑樹葉凋

雲安阻雨

日長巴峽雨濛濛又說歸州路未通遊人不及西江
水先得東流到渚宮

霽雪

風卷長空暮雪晴江煙洗盡柳條輕簷前數片無人
掃又得書窓一夜明

槿花

自用金錢買槿栽二年方始得花開鮮紅未許佳人
見蝴蝶爭知早到來

湖南春日二首

自憐春日客長沙江上無人轉憶家光景却添鄉思

苦簷前數片落梅花

三湘漂寓若流萍萬里湘鄉隔洞庭羈客春來心欲
碎東風莫遣柳條青

移家別湖上亭

好是春風湖上亭柳條籐蔓繫離情黃鶯久住渾相
識欲別頻啼四五聲

送零陵妓

寶鈿香蛾翡翠裙裝成掩泣欲行雲殷勤好取襄王
意莫向陽臺夢使君

過東平軍

唐詩卷十七
畫角初鳴殘照微營營鞍馬往來稀相逢士卒皆垂
淚八座朝天何日歸

塞下曲

漢將歸來虜塞空旌旗初下玉關東高蹄戰馬三千
匹落日平原秋草中

湘南曲

虞帝南遊不復還翠娥幽怨水雲間昨夜月明湘浦
宿閨中珂珮度空山

旅次寄湖南張郎中

寒江近戶慢流聲竹影臨窓亂月明歸夢不知湖水

閨夜來還到洛陽城

萬首唐人絕句卷第十七

萬首唐人絕句卷第十八

七言一百首

獻壽詩

王涯 四十二首

宮殿參差列九重祥雲瑞氣捧皆濃微臣欲獻唐堯壽遙指南山對袞龍

遊春詞二首

曲江綠柳變烟條寒谷冰隨煖氣銷纔見春光生綺陌已聞清樂動雲韶
經過柳陌與桃溪尋逐春光著處迷鳥度時時衝絮起花繁袞袞壓枝低

愁思二首

網軒涼吹動輕衣夜聽更長玉漏稀月度天河光轉
濕鵲驚秋樹葉頻飛
宮連太液見滄波暑氣微銷秋意多一夜輕風蘋末
起露珠翻盡滿池荷

從軍詞

旄頭夜落捷書飛來奏金門着賜衣白馬將軍頻破
敵黃龍戍卒幾時歸

塞下曲二首

辛勤幾出黃花戍迢迢初隨細柳營塞晚每愁殘月

苦邊愁更逐斷蓬驚

年少辭家從冠軍金裝寶劍去邀勳不知馬骨傷寒
水唯見龍城起暮雲

平戎調二首

太白高秋助俊兵長風夜卷虜塵清男兒解却腰間
劍喜見從王道化平

卷旆生風喜氣新早持龍節靜邊塵漢家天子圖麟
閣身是當今第一人

贈遠二首

當年只自守空帷夢裏關山覺別離不見鄉書傳鴈

足唯看新月吐蛾眉

厭攀楊柳臨清閣閑採芙蓉傍碧潭走馬臺邊人不見拂雲堆畔戰初酣

閨人春思

愁見遊空百尺絲春風挽斷更傷離閑花落盡青苔地盡日無人誰得知

秋夜曲二首

丁丁漏水夜何長漫漫輕雲露月光秋逼暗蟲通夕響寒衣未寄莫飛霜

桂魄初生秋露微輕

已薄未更衣銀箏夜久殷勤

弄心怯空房不忍歸

宮詞二十七首

白人宜着紫衣裳冠子梳頭雙眼長新睡起來思舊夢見人忘却道勝常

春來新插翠雲釵尚着雲頭踏殿鞋欲得君王回一顧爭扶玉輦下金階

五更初起覺風寒香炷燒來夜已殘欲卷珠簾驚雪滿自將紅燭上樓看

各將金鎖鎖宮門院院青娥侍至尊頭白監門掌來去問頻多是寂承恩

夜久盤中蠟滴稀金刀剪起盡霏霏傳聲揔是君王
喚紅燭臺前着舞衣

箏翻禁曲覺聲難玉柱皆非舊處安記得君王曾道
好長因下輦得先彈

一叢高鬢綠雲光官樣輕輕淡淡黃爲看九天公主
貴外邊爭學內家裝

宜春院裏駐仙輿夜晏笙歌揔不如傳索金箋題寵
號鐙前御筆與親書

永巷重門漸半開宮官着鎖隔門回誰知曾咲他人
處今日將身自入來

春風簾裏舊青娥無奈新人奪寵何寒食禁花開滿
樹玉堂終日閉時多

碧繡簷前柳散垂守門宮女欲攀時曾經玉輦從容
處不敢臨風折一枝

鴉飛深在禁城墻多繞重樓複殿傍時向春簷瓦溝
上散開朝翅占朝光

白雪猶兒拂地行慣眠紅毯不曾驚深宮更有何人
到只曉金堦吠晚螢

百尺仙梯倚閣邊內人爭下擲金錢風來竟看銅鳥
轉遙指朱干在半天

春風擺蕩禁花枝寒食鞦韆滿地時又落深宮石渠
裏盡隨流水入龍池

墻墻不斷接宮城金榜皆書殿院名萬轉千回相隔
處各調絃管對聞聲

霏霏春雨九重天漸煖龍池御柳烟玉輦遊時應不
避千廊萬屋自相連

禁前煙起紫沉沉樓閣當中複道深長入暮天凝不
散掖庭宮裏動秋砧

炎炎夏日滿天時桐葉交加覆玉墀向晚移鐙上銀
簾叢叢綠鬢坐彈碁

瞳瞳日出大明宮天樂遙聞在碧空禁樹無風正和
暖玉樓金殿曉光中

迥出芙蓉閣上頭九天懸處正當秋年年七夕晴光
裏宮女穿針盡上樓

教來鸚鵡語初成久閉金籠慣認名恁向春園看花
去獨於深院咲人聲

銀瓶瀉水欲朝粧燭焰紅高粉壁光共怪滿衣珠翠
冷黃花瓦上有新霜

迎風殿裏罷雲和起聽新蟬步淺莎爲愛九天和露
滴萬年枝上最聲多

御果收時屬內官傍簷低壓玉闌干明朝摘向金華殿盡日枝邊次第看

內裏松香滿殿聞四行堦下暖氤氳春深欲取黃金粉繞樹宮娥着絳裙

禁樹傳聲在九霄內中殘火獨遙遙千官待取門猶閉未到宮前下馬橋

赴東都別牡丹

令狐楚 十三首

十年不見小庭花紫萼臨開又別家上馬出門回首望何時更得到京華

寄禮部劉郎中

一別三年在上京仙垣終日選群英除書每下皆先看唯有劉郎無姓名

坐中間思帝鄉有感

年年不見帝鄉春白日尋思夜夢頻上酒忽聞吹此曲坐中惆悵更何人

春思寄夢得樂天

花滿中庭酒滿尊平明獨坐到黃昏春來詩思偏何處飛過函關入鼎門

皇城中花園譏劉白賞春不及 令狐楚

五鳳樓西花一園低枝小樹盡芳繁洛陽才子何曾

愛下馬貪趨廣運門

少年行四首

少小邊州慣放狂
驍騎蕃馬射黃羊
如今年老無筋力
獨倚營門數鴈行

家本清河住五城
須憑弓箭得功名
等閒飛鞚秋原上
獨向寒雲試射聲

弓背霞明劔照霜
秋風走馬出咸陽
未收天子河湟地
不擬回頭望故鄉

霜滿中庭月過樓
金尊玉柱對清

百年稱意須行

樂不到天明未肯休

塞下曲二首

雪滿衣裳水滿鬚
曉隨飛將伐單于
平生志氣今何在
把得家書淚似珠

邊草蕭條塞鴈飛
征人南望盡沾衣
黃塵滿面長須戰
白髮生頭未得歸

望春詞二首

高樓曉見一花開
便覺春光四面來
暖日晴雲知次第
東風不用更相催

雲霞五采浮天闕
梅柳千般夾御溝
不上黃花南北望
豈知春色滿神州

塞下曲五首

張仲素 十二首

三戍漁陽再渡遼
駢弓在臂劍橫腰
匈奴似若知名姓
休傍陰山更射鵞

獵馬千行鴈幾雙
燕然山下碧油幢
傳聲漠北單于破
火照旌旗夜受降

朔雪飄飄開鴈門
平沙歷亂瘞蓬根
功名耻記擒生數
直斬樓蘭報國恩

隴水潺湲隴樹秋
征人到此淚雙流
鄉關萬里無人見
西戍河原早晚收

陰磧茫茫塞草肥
檉桿烽上暮雲飛
交河北望天連海
蘇武曾將漢節歸

秋閨思二首

碧窓斜日藹深暉
愁聽寒螿淚濕衣
夢裏分明見關塞
不知何路向金徽

秋天一夜靜無雲
斷續鴻聲到曉聞
欲寄征人問消息
居延城外又移軍

漢苑行三首

二月風光變柳條
九天鈞樂奏雲韶
蓬萊後殿花如錦
紫閣階前雪未消

回鴈高飛太液池
新花初發上林枝
年光到處皆堪

賞春色人間揔未知
春風淡蕩景悠悠鶯囀高枝燕入樓千步回廊聞鳳
吹珠簾處處上銀鈎

天馬辭二首

天馬初從渥水來郊歌曾唱得龍媒不知玉塞沙中
路首藉殘花幾處開
蹀躞宛駒齒未齊撻金噴玉向風嘶來時欲盡金河
道獵獵輕風在碧蹄

漢官井

邵謁四首

輓轡聲絕離宮靜班姬幾度照金井梧桐老去殘花
開猶似當年美人影

顯茂樓

秦山渭水尚悠悠如何草樹迷宮闕繁華珠翠盡東
流唯有望樓對明月

紫閣峯

壯國山河倚空碧迥拔烟霞侵太白綠崖下視千萬
尋青天只據百餘尺

託巫語

青山山下少年郎失意當時別故鄉惆悵不堪回首
望隔谿遙見舊書堂

軍城早秋

嚴武一首

昨夜秋風入漢關朔雲邊雪滿西山更催飛將追驕虜莫遣沙場匹馬還

苜蓿峯寄家人

岑參二十八首

苜蓿峯邊逢立春胡蘆河上淚沾巾閨中只是空相憶不見沙場愁殺人

玉關寄長安主簿

東去長安萬里餘故人何惜一行書玉關西望腸堪斷况復明朝是歲除

逢入京使

故園東望路漫漫雙袖龍鍾淚不乾馬上相逢無紙筆憑君傳語報平安

過燕支寄杜位

燕支山西酒泉道北風吹沙卷白草長安遙在日光邊憶君不見令人老

春夢

洞房昨夜春風起遙憶美人湘江水枕上片時春夢中行盡江南數千里

磧中作

走馬西來欲到天辭家見月兩回圓今夜不知何處

宿平沙萬里絕人烟

酒泉太守席上醉後作

酒泉太守能劒舞高堂置酒夜擊鼓胡笳一曲斷人腸坐客相看淚如雨

送劉判官赴磧西

火山五月人行少看君馬上疾如鳥都護行營太白西角聲一動胡天曉

送人三首

西原驛路挂城頭客散江亭雨未休君去試看汶水上白雲猶似漢時秋

百尺原頭酒色殷路傍驄馬汗班班別君只有相思夢遮莫千山與萬山

朱唇一點榴花殷宿粧嬌羞偏髻鬟細看只在陽臺女醉着莫許歸巫山

秋夜聞笛

天門街西聞搗帛一夜愁殺湘南客長安城中百萬家不知何人夜吹笛

封大夫破播仙凱歌六首

漢將承恩西破戎捷書先奏未央宮天子預開麟閣待祗今誰數貳師功

官軍西出過樓蘭營幕傍臨月窟寒蒲海曉霜凝劍
尾葱山夜雪撲旌竿

鳴笳疊鼓擁回軍破國平蕃昔未聞大夫鵠印搖邊
月天將龍旗掣海雲

日落轅門鼓角鳴千群面縛出蕃城洗兵魚海雲迎
陣秣馬龍堆月照營

蕃軍遙見漢家營滿谷連朝遍哭聲萬箭千刀一夜
散平明流血浸空城

暮雨旌旗濕未乾胡烟白草日光寒昨夜將軍連曉
戰蕃軍只見馬空鞍

送賈侍御使江外

新騎驄馬復承恩使出金陵過海門荆南渭北難相
見莫惜衫襟著酒痕

趙將軍歌

九月天山風似刀城南獵馬縮寒毛將軍縱博塲場
勝睹得單于貂鼠袍

送人還京

疋馬西從天外歸揚鞭只共鳥爭飛送君九月交河
北雪裏題詩淚滿衣

草堂村尋人不遇

數株垂柳欲依依深巷斜陽暮鳥飛門前雪滿無行
迹應是先生出未歸

赴北庭度隴思家

西向輪臺萬里餘也知鄉信日應踈隴山鸚鵡能言
語爲報家人數寄書

題觀樓

萬樓荒井閉空山關令乘雲去不還羽蓋霓旌何處
在空留藥臼向人間

送李明府赴陸州觀大夫人

手把銅章望海雲夫人堂上絳羅裙嚴灘一點舟中

月萬里煙波也勞君

號州西山亭送范端公

百尺紅亭對萬峯平明相送到齋鍾驄馬勸君教卸
却使君家醞舊來濃

胡歌

黑姓蕃王貂鼠裘蒲陶宮錦醉纏頭關西老將能苦
戰七十行兵仍未休

戲問花門酒家翁

老人九十仍沽酒千壺百甕花門有前村榆莢巧似
錢摘來沽酒君肯否

萬首唐人絕句卷第十八

萬首唐人絕句卷第十九

七言一百首

九日作

王縉上首

莫將邊地比京都八月嚴霜草已枯今日登高樽酒裏不知能有菊花無

過崔處士林亭

身名不問十年餘老大誰能更讀書林中獨酌隣家酒門外時聞長者車

峽中行

雍陶七十六首

兩崖開盡水回環一葉纔通石罅間楚客莫言山勢

險世人心更險於山

韋處士郊居

滿庭詩境飄紅葉繞砌琴聲滴暗泉門外晚晴秋色
老萬條寒玉一溪煙

秋懷

古槐烟薄晚鴉愁獨向黃昏立御溝南國望中生遠
思一行新鴈去汀洲

再下第將歸荆楚上白舍人

窮通應計一時間今日甘從別足還長倚玉人心自
醉不辭歸去哭荆山

春行武關作

風香春暖展歸程全勝遊仙入洞情一路綠溪花覆
水不妨閑看不妨行

恨別二首

知君餞酒深深意圖使行人涕不流如今卻恨酒中
別不得一言千里愁

人言日遠還疎索別後都非未別心唯我憶君千里
意一年不見一重深

送人歸吳

遠愛春波正滿湖羨君東去是歸途吟詩好向月中

宿安叫水天沙鶴孤青東去古文讀世今詩秋向月中

喜夢歸吳

旅館歲闌頻有夢分明最似此宵希覺來莫道還無
益未得歸時且當歸

路中問程知欲達青雲驛

行愁驛路問來人西去經過願一聞落日回鞭相指
點前程從此是青雲

題君山

風波不動影沉沉翠色全微碧色深應是水仙梳洗
處一螺青黛鏡中心

離家後作

世上無媒似我希一身惟有影相隨出門便作焚舟
計生不成名死不歸

寄題峴亭

峴亭畱恨爲傷盃未得醒醒看便回卻想醉游如夢
見直疑元本不曾來

病鶴

憶得當時病未遭身為仙馭雪爲毛今來沙上飛無
力羞見檣鳥立處高

狀春

含春笑日花心艷帶雨牽風柳態妖珍重兩般堪比
處醉時紅臉舞時腰

春詠

風惱花枝不耐頻等閑飛落易愁人殷勤最是章臺
柳一樹千條管帶春

非酒

人人漫說酒消憂我道翻爲引恨由一夜醒來燈火
暗不應愁事亦成愁

苦寒

今年無異去年寒何事朝來獨忍難應是慚爲貧客

久綿衣著盡布衣單

送客

若論秋思人人苦最覺愁多客又深何況病來惆悵
盡不知爭作送君心

人問應舉

莫驚西上獨遲迴只爲衡門未有媒惆悵賦成身不
去一名閑事逐秋回

送客不及

水闊江天兩不分行人兩處更相聞遙遙已失風帆
影半日虛銷指點雲

聞杜鵑二首

碧竿微露月玲瓏
謝豹傷心獨叫風
高處已應聞滴血
山榭一夜幾枝紅

蜀客春城聞蜀鳥
思歸聲引未歸心
卻知夜夜愁相似
爾正啼時我正吟

西歸出斜谷

行過險棧出褒斜
出盡平川似到家
萬里客愁今日散
馬前初見米囊花

宿嘉陵館樓

離思茫茫正值秋
每因風景卻生愁
今宵難作刀州

夢月色江聲共一樓

旅懷

舊里已悲無產業
故山猶戀有煙霞
自從爲客歸時少
旅館僧房卻是家

貧居春怨

貧居盡日冷風煙
獨向簷床看雨眠
寂寞春風花落盡
滿庭榆莢似秋天

憶江南舊居

閑思往事在湖亭
亭上秋燈照月明
宿客盡眠眠不得
半牕殘月帶潮聲

夷陵城

世家曾覽楚英雄國破城荒萬事空
唯有郵亭階下柳春來猶似細腰宮

訪友人幽居二首

落花門外春將盡飛絮庭前日欲高
深院客來人未起黃鸝枝上啄櫻桃

莎深苔滑地無塵竹冷花遲剩駐春
盡日弄琴誰共聽與君兼鶴是三人

宿大徹禪師故院

竹房誰繼生前事松月空懸過去心
秋磬數聲天欲

曉影堂斜掩一燈深

送蜀客

劔南風景臘前春山鳥江風得雨新
莫怪送君行校遠自緣身是憶歸人

題寶應縣

雪樓當日動晴寒渭水梁山鳥外看
聞說德宗曾到此吟詩不敢倚闌干

和孫明府懷舊山

五柳先生本在山偶然爲客落人間
穉來見月多歸思自起開籠放白鷗

城西訪友人別墅

灃水橋西小路斜日高猶未到君家村園門巷多相
似處處春風枳殼花

題大安池亭

幽島曲池相隱映小橋虛閣半高低好風好月無人
宿夜夜水禽船上棲

送春

勿言春盡春還至少壯看花復幾回今日已從愁裏
去明年更莫共愁來

聞蟬

一樹蟬聲入晚雲幾回愁我亦愁君何年各得身無
事每到聞時似不聞

武侯廟古柏

密葉四時同一色高枝千歲對孤峯此中疑有精靈
在為見盤根似卧龍

哀蜀人為南蠻俘虜五章

但見城池還漢將豈知佳麗屬蠻兵錦江南度遙聞
哭盡是離家別國聲

大渡河邊蠻亦愁漢人將渡盡回頭此中剩寄思鄉
淚南去應無水北流

欲出鄉關行步遲此生無復卻回時
千冤萬恨何人見唯有空山鳥獸知
越雋城南無漢地傷心從此便為蠻
免聲一慟悲風起雲暗青天日下山
雲南路出陷河西毒草長青瘴色低
漸近蠻城誰敢哭一時收淚羨猿啼

宿石門山居

窓燈欲滅夜愁生螢火飛來促織鳴
宿客幾回眠又起一溪秋水枕邊聲

過舊宅看花

山桃野杏兩三栽樹樹繁花去復開
今日主人相引看誰知曾是客移來

寄襄陽章孝標

青油幕下白雲邊日日空山夜夜泉
聞說小齋多野意枳花陰裏麝香眠

公子行

公子風流嫌錦繡新裁白紵作春衣
金鞭留當誰家酒拂柳衝花信馬歸

洛中感事

洛城今古足繁華最恨喬家似石家
行到窈娘身沒

處水邊愁見亞枝花

陰地關見入蕃公主石上手跡

漢家公主昔和蕃石上今餘手跡存風雨幾年侵不滅分明纖指印苔痕

美人春風怨

澹蕩春風滿眼來落花飛蝶共徘徊偏能飄散同心帶無那愁眉吹不開

過南隣花園

莫怪頻過有酒家多情長是惜年華春風堪賞還堪恨纔見開花又落花

勸行樂

老去風光不屬身黃金莫惜買青春白頭縱作花園主醉折花枝是別人

渡桑乾河

南客豈曾諳塞北年年唯見鴈飛回今朝忽渡桑乾水不似身來似夢來

月下喜呂郎中除兵部

北闕雲間見碧天南宮月似舊時圓喜看列宿今宵正休歎參差十四年

天津橋望春

津橋春水浸紅霞
煙柳風絲拂岸斜
翠輦不來金殿
閉宮鶯銜出上陽花

自蔚州南入真谷有似劔門因有歸思

我家蜀地身離久
忽見胡山似劔門
馬上欲垂千里
淚耳邊唯欠一聲猿

再經天涯地角山

每憶雲山養短才
悔緣名利入塵埃
十年馬足行多
少兩度天涯地角來

題等界寺二首

吳蜀千年等界村
英雄無主豈長存
思量往事今何

在萬里山中一寺門

兩國道塗都萬里
來從此地等平分
行人競說東西
利爭不關心耳不聞

洛源驛戲題

柳陰春嶺鳥新啼
暖色濃煙深處迷
如恨往來人不
見水聲啾咽出花溪

遣愁

拋擲泥中一聽沉
不能三嘆引愁深
莫言客子無愁
易須識愁多暗損心

送友人棄官歸山居

不羨人間紫與緋，卻思松下著山衣。春郊雨盡多新草，一路青青踏雨歸。

山行

嗟花幽鳥幾千般，頭白山僧遍識難。世上遊人無復見，一生唯向畫圖看。

送客二首

與君同在少年場，知己蕭條壯士傷。可惜報恩無處所，卻提孤劍過咸陽。行人立馬強盤回，別字猶含未忍開。好去出門休落淚，不如前路早歸來。

安國寺贈廣宣上人

馬急人忙塵路喧，幾從朝出到黃昏。今來合掌聽師語，一似敲冰清耳根。

初醒

心中得勝暫拋愁，醉卧涼風拂篔簹。秋半夜覺來新酒醒，一條斜月到牀頭。

送客歸襄陽舊居

襄陽耆舊別來稀，此去何人共掩扉。唯有白銅鞮上月，水樓閑處待君歸。

夜聞方響

方響聞時夜已深
聲聲敲着客愁心
不知正在誰家
樂月下猶疑是遠砧

路逢有似亡友者惻然賦此

吾友今生不可逢
風流空想舊儀容
朝來馬上頻回首
惆悵他人似蔡邕

望月懷江上舊遊

往歲曾隨江客船
秋風明月洞庭邊
爲看今夜天如水
憶得當時水似天

途中西望

行行何處散離愁
長路無因暫上樓
唯到高原即西

望馬知人意亦回頭

題友人所居

即故元少尹宅

亞尹故居經幾主
只應君住有詩情
夜吟隣叟聞惆悵
七八年來無此聲

蔚州宴內遇新雪

胡盧河畔逢秋雪
疑是風飄白鶴毛
坐客停杯看未定
將軍已濕褐花袍

詔取永豐坊柳植禁苑

盧貞一首

一樹依依在永豐
兩枝飛去杳無蹤
玉皇曾采人間曲
應逐歌聲入九重

華清

高蟾 二十一首

何事金輿不再遊
翠鬟丹臉豈勝愁
重門深鎖禁鍾
後月滿驪山宮樹秋

秋日北固晚望二首

風含遠思脩脩晚
日照高情的的秋
何事滿江惆悵
水年年無語向東流

澤國路岐當面苦
江城砧杵入心寒
不知白髮誰醫
得為問無情歲月看

送張道士

因將歲月離三島
閑貯風煙在一壺
為問金烏頭白

後人間流水卻回無

吳門春雨

吳甸落花春漫漫
吳宮芳樹晚沉沉
王孫不柰如絲
雨骨斷春風一寸心

旅夕

風散古陂驚宿鴈
月臨荒戍起啼鴉
不堪吟斷無人
見時復寒燈落一花

瓜洲夜泊

偶為芳草無情客
況是青山有事身
一夕瓜洲渡頭
宿天風吹盡廣陵塵

金陵晚望

曾伴浮雲歸晚翠猶陪落日汎
鴉聲世間無限丹青手一片傷心畫不成

晚思

虞泉冬恨由來短楊葉春期分外長
惆悵浮生不知處明朝依舊出滄浪

長信宮二首

天上夢魂何杳杳日宮消息太沉沉
君恩不似黃金井一處團圓萬丈深

天下鳳凰休寄夢人間鸚鵡舊堪悲
平生心緒無人

識一隻金梭萬丈絲

長安旅懷

馬嘶九陌年年苦人語千門日日新
唯有終南寂無事寒光不入帝鄉塵

春二首

天柱幾條撐白日天門幾扇鎖明時
陽春發處無根蒂憑仗東風分外吹

明月斷魂清藹藹平蕪歸思綠迢迢
人生莫遣頭如雪縱得東風亦不消

穉

陽羨溪聲冷駭人洞庭山翠晚凝神天將金玉爲風
露曾爲高秋幾度貧

灞陵亭

一條歸夢朱絃直一片離心白羽輕明日灞陵新霽
後馬頭煙樹綠相迎

偶作二首

丁當玉佩三更雨平帖金閨一覺雲明日薄情何處
去風流春水不知君

霞衣重疊紅蟬暖雲髻惹籠紫鳳寒天上少年分散
後一條煙水若爲看

永夕

雲鴻宿處江村冷獨狃啼時海國陰不會殘燈無一
事覺來猶有向隅心

落花

一葉落時空下淚三春歸盡復何情無人共得東風
語半日樽前計不成

下第後上高侍郎

天上碧桃和露種日邊紅杏倚雲栽芙蓉生在秋江
上不向東風怨未開

萬首唐人絕句卷第十九

萬首唐人絕句卷第二十

七言一百首

寄王立伯

姚合三十一首

夜歸曉出滿衣塵轉覺才名帶累身
恰莫舊來終日醉世間杯酒屬閑人

聽僧雲端講經

無生深旨誠難解唯有師言得正真
遠近持齋來諦聽酒坊魚市盡無人

酬令狐郎中

昨是兒童今是翁人間日月疾如風
常聞欲向滄江

唐詩卷三十一
德星堂
去除我無人與子同

和劉郎中題華州廳

蓮花峯下郡齋前
遶砌穿池貯瀑泉
君到亦應閑不得
主人勝後復詩仙

登天長寺上方

曉上上方高處立
路人羨我此時身
白雲向我頭上過
我更羨他雲路人

送張主簿赴山

幾年山下事仙翁
名在長生後籍中
燒得藥成須寄我
我曾為主簿與君同

寄靈一律師

梵書抄筆千餘紙
淨院焚香獨受持
童子病來煙火絕
清泉漱口過齋時

辭白賓客歸後寄

千騎紅旗不可攀
水頭獨立暮方還
家人怪我渾如病
尊酒休傾筆硯閑

送僧二首

人間擾擾唯閑事
自見高人只有詩
舊住嵩峯雲外寺
常聞定裏過齋時

城中聽得新經論
却過關東說向人
舊國門徒終日

望見時應似見真身

杏園

江頭數頃杏花開車馬爭先盡此來欲待無人連夜
看黃昏樹樹滿塵埃

采松花

擬服松花無處學嵩陽道士忽相教朝來試上高枝
采不覺翻傾仙鶴巢

過友人山莊

蕙帶纏腰復野蔬一莊水竹數房書舉頭忽見南山
雪便說休官相近居

和前吏部韓侍郎夜泛南溪

辭得官來疾漸平世間難有此高情新秋月滿南溪
裏引客乘船處處行

杏園宴上座主

得陪桃李植芳叢別感生成太昊功今日無言春雨
後似含冷涕謝東風

邊詞二首

將軍作鎮古汧州水膩山春節氣柔清夜滿城絃管
散行人不信是邊頭

箭利弓調四鎮兵蕃人不敢近東行
泐邊千里渾無

事唯見平安火入城

遇韜光上人

上方清淨無因住唯見他生得住持只恐無生復無
我不知何處更逢師

寄裴起居

千官曉立香爐裏立近丹墀是起居采筆長書皇帝
語書成幾卷太平書

和李舍人直日遇放朝對雪

今朝街鼓何人聽朝客關門對雪眠豈比直廬丹禁
裏九重天近色彌鮮

對月

銀輪玉兔向東流螢淨三更正好遊一片黑雲何處
起皂羅籠却水精毬

乞新茶

嫩綠微黃碧洞新采時聞道斷葷辛不將錢買將詩
乞借問山翁有幾人

曉望華清宮

曉看樓殿更鮮明遙隔朱欄見鹿行武帝自知身不
死教修玉殿號長生

崔少卿鶴

入門石徑半高低閑處無非是藥畦致得仙禽無去
意花間舞罷洞中棲

楊柳枝詞五首

黃金絲挂粉墻頭動似顛狂靜似愁遊客見時心自
醉無因得見謝家樓

葉葉如眉翠色濃黃鶯偏戀語從容橋邊陌上無人
識雨濕煙和思萬重

江上東西離別饒舊條折盡折新條亦知春色人將
去猶勝狂風取次飄

二月楊花觸處飛悠悠漠漠自東西謝家詠雪徒相
比吹落庭前便作泥
江亭楊柳折還垂日照深紅幾樹絲見說隋堤枯已
盡年年行客怪春遲

送賈島

送賈島與鍾渾
忍寒停酒待君來酒作寒氷火作灰半夜出門重立
望月明先自下高臺

送賈島與鍾渾

日日攻詩亦自強年年供應在名場春風驛路歸何
處紫閣山邊是草堂

與左興宗益城別

熊孺登 二十三首

江逢九派人將別猿到三聲月爲秋不知相見更何
日此夜少年堪白頭

八月十五日夜卧疾

一年祇有今宵月盡上江樓獨病眠寂寞竹窓閑不
閉夜深斜影到床前

正月十五日

漢家遺事今宵見楚郭明燈幾處張深夜行歌聲絕
後紫姑神下月蒼蒼

曲池陪宴即事上竇中丞

水自山阿繞坐來珊瑚臺上木綿開欲知舉目無情

罰一片花流酒一杯

董監廟

仁傑淫祠廢欲無枯楓老櫟兩三株袖烏慣得商人
食飛赴征帆過蠡湖

贈侯山人

一見清容愜素聞有人傳是紫陽君來時玉女裁春
服剪破湘山幾片雲

送馬判官赴安南

故人交趾去從軍應笑狂生揮陣雲省得蔡州今日
事舊曾都護帳前聞

送準上人歸石經院

旃檀刻像今猶少白石鐫經古未曾歸去更尋翻譯
寺前山應邇鴈門僧

寒食野望

拜掃無過骨肉親一年唯此兩三辰冢頭莫種有花
樹春色不關泉下人

祇役遇風謝湘中春色

水生風熟布帆新唯見公程不見春應被百花撩亂
笑比來天地一閑人

湘江夜泛

江流如箭月如弓行盡三湘數夜中無那子規知向
蜀一聲聲似怨春風

蜀江水

來自蕃界

日夜朝宗來萬里共憐江水引蕃心若論巴峽愁人
處猿比灘聲是好音

寄安南馬中丞

龍韜能致虎符分萬里霜臺壓瘴雲蕃客不須愁海
路波神今伏馬將軍

奉賀竇中丞歲酒見小男兩歲

更添十歲應為相歲酒從他把未休聞得一毛還五

色眼看相逐鳳池頭

甘子堂陪宴上韋大夫

武陵樓上春長早
甘子堂前花落遲
楚樂怪來聲競起
新歌盡是大夫詞

青溪村居二首

家占溪南千箇竹
地臨湖上一羣山
漁船多在馬長
放出處自由閑不閑
深樹黃驪曉一聲
林西江上月猶明
野人早起無他
事貪繞沙泉看笋生

奉和興元鄭相公早春送楊侍郎

征鞍欲上醉還留
南浦春生百草頭
丞相新裁別離
曲聲聲飛出舊梁州

送舍弟孺復往廬山

能騎竹馬辨西東
未省煙花暫不同
第一早歸春欲
盡廬山好看過湖風

野別留少微上人

若爲相見還分散
翻覺浮雲亦不閑
何處留師暫且
住家貧唯有坐中山

經古墓

碑折松枯山火燒
夜臺從閉不曾朝
那將逝者比流

水流水東流逢上潮

贈靈徹上人

詩句能生世界春
僧家更有姓湯人
况聞暗憶前朝事
知是脩行第幾身

春郊醉中贈章八元

三月踏青能幾日
百回添酒莫辭頻
看君倒卧楊花裏
始覺春光爲醉人

寄楊衡州

韓翃十七首

湘竹班班湘水春
衡陽太守虎符新
朝來笑向歸鴻道
早晚南飛見主人

羽林少年行二首

駿馬牽來御柳中
鳴鞭欲向渭橋東
紅蹄亂踏春城雪
花領騎嘶上苑風
千點班斲噴玉驄
青絲結尾繡纏鬃
鳴鞭曉出章臺路
葉葉春隨楊柳風

看調馬

鴛鴦赭白齒新齊
晚日花間散碧蹄
玉勒斗回初噴沫
金鞭欲下不成嘶

宿石邑山中

浮雲不共此山齊
山靄蒼蒼望轉迷
曉月暫飛千樹

裏秋河隔在數峯西

江南曲

長樂花枝雨點消
江城日暮好相邀
春樓不閉歲蕤
鎖綠水回通宛轉橋

贈張千牛

蓬萊闕下事天家
上路新回白鼻騮
細管晝催平樂
酒春衣夜宿杜陵花

漢宮曲二首

五柞宮中過臘看
萬年枝上雪花殘
綺窓夜閉玉堂
靜素綆朝垂金井寒

家在長陵小市中
珠簾繡戶對春風
君王昨日移仙
仗玉輦迎將入漢宮

贈李冀

王孫別舍擁朱輪
不羨空名樂此身
門外碧潭春洗
馬樓前紅燭夜迎人

寒食

春城無處不飛花
寒食東風御柳斜
日暮漢宮傳蠟
燭輕煙散入五侯家

送客貶五溪

南過猿聲一逐臣
回看秋草淚沾巾
寒天暮雨空山

裏幾處蠻家是主人

題玉真觀

白雲斜日影深松
玉宇瑤壇知幾重
把酒題詩人散後
華陽洞裏有踈鍾

送齊山人

舊事仙人白兔公
掉頭歸去又乘風
柴門流水依然在一路
寒山萬木中

梁城贈一二同幕

五營河畔列旌旗
吹角鳴鞞日暮時
曾是信陵門下客
兩回相弔不勝悲

送客之潞府

宮柳青青匹馬嘶
回風暮雨入銅鞮
佳期別在春山裏
應是人參五葉齊

寄裴鄆州

烏紗靈壽對秋風
悵望浮雲濟水東
官樹陰陰鈴閣暮
州人轉憶白鬚翁

吳王廟

陳羽二十九首

姑蘇城上千年木
刻作夫差廟裏神
幡蓋寂寥塵滿坐
不知簫鼓樂何人

夏日讌九華池贈主人

池上涼臺五月涼
百花開盡水芝香
黃金買酒邀詩客
醉倒簷前青玉床

長安早春言志

九衢日暖樹蒼蒼
萬里吳人憶水鄉
漢主未曾親羽獵
不知將底諫君王

讀蘇屬國傳

天山西北居延海
沙塞重重不見春
腸斷帝鄉遙望日
節旄零落漢家臣

吳城覽古

吳王舊國水煙空
香徑無人蘭葉紅
春色似憐歌舞

地年年先發館娃宮

犍爲城下夜泊聞夷歌

犍爲城下牂牁路
空冢灘西賈客舟
此夜可憐江上月
夷歌銅鼓不勝愁

和王中丞使君春日過高評事幽居

陳羽

風光滿路旗旛出
林下高人待使君
笑藉紫蘭相向醉
野花千樹落紛紛

和王中丞中和日

節應中和天地晴
繁絃疊鼓動高城
漢家分刺諸侯貴
一曲陽春江水清

同韋中丞花下夜飲贈歌人

銀燭煌煌半醉人
嬌歌宛轉動朱脣
繁花落盡春風裏
繡被郎官不負春

若耶溪逢陸澧

溪上春晴聊看竹
誰言驛使此相逢
擔簦躡屐仍多病
笑殺雲間陸士龍

夜泊荆溪

小雪已晴蘆葉暗
長波乍急鶴聲嘶
孤舟一夜宿流水
水眼看山頭月落溪

南山別僧

惆悵人間多別離
梅花滿眼獨行時
無家度日多爲客
欲共山僧何處期

戲題山居二首

雲蓋秋松幽洞近
水穿危石亂山深
門前自有千竿竹
免向人家看竹林

雖有柴門長不關
片雲高木共身閑
猶嫌住久人知處
見欲移居更上山

山中秋夜喜周士閑見過

青山高處上不易
白雲深處行亦難
留君不宿對秋月
莫厭山空泉石寒

過櫟陽山谿

衆草穿沙芳色齊
踏莎行草過春谿
閑雲相引上山
去人到山頭雲却低

姑蘇臺懷古

憶昔吳王爭霸日
歌鍾滿地上高臺
三千宮女看花
處人盡臺崩花自開

將歸舊山留別

相共遊梁今獨還
異鄉遙落憶空山
信陵死後無公
子徒向夷門學抱關

遊洞靈觀

初訪西城禮少君
獨行深入洞天雲
風吹青桂寒花
落香繞仙壇處處聞

旅次沔陽聞克復
而用師者窮兵黷武
因書簡之

江上煙消漢水清
王師大破綠林兵
千戈用盡人成
血韓信空傳壯士名

湘君祠

二妃哭處湘江深
二妃愁處雲沉沉
商人酒滴廟前
草蕭索風生班竹林

送辛吉甫常州覲省

西去蘭陵家不遠到家還及采蘭時新年送客我爲
客惆悵門前黃柳絲

題舞花山大師遺居

西過流沙歸路長一生遺迹在東方空堂寂寞閉燈
影風動四山松栢香

廣陵秋夜對月

霜落寒空月上樓月中歌吹滿揚州相看醉舞倡樓
月不覺隋家陵樹秋

伏冀西洞送人

洞裏春晴花正開看花出洞幾時回殷勤好去武陵

客莫引世人相逐來

早秋澹水送人歸越

涼葉蕭蕭生遠風曉鷗飛度望春宮越人歸去一搖
首腸斷馬嘶秋水東

步虛詞

漢武清齋讀鼎書內官扶上畫雲車壇上月明宮殿
閉仰看星斗禮空虛

小江驛送陸侍御歸湖上山

鶴唳天邊秋水空荻花蘆葉起西風今夜渡江何處
宿會稽山在月明中

送李德輿歸山居

烏巾年少歸何處
一片綵霞仙洞中
惆悵別時花似
雪
行人不肯醉春風

萬首唐人絕句卷第二十

